

REGIONAL NEWS UNIT
ALL INDIA RADIO, AGARTALA
Date : 04-01-2026
Time : 07.35-07.40 AM Hrs
BENGALI MORNING BULLETIN

Weather :

রাজ্য জুড়ে জাঁকিয়ে শীত পরেছে। আগরতলা বিমানবন্দরে আজ ভোরে সর্বনিম্ন তাপমাত্রা নেমে দাঁড়ায় ৮.৫ ডিগ্রি সেলসিয়াস। যা ছিল স্বাভাবিকের চাইতে ৩ ডিগ্রি কম। আবহাওয়া দপ্তর থেকে জানানো হয় চলতি শীত মরসুমে এখন পর্যন্ত আজই সর্বনিম্ন তাপমাত্রা রেকর্ড করা গেছে। আকাশ কিছুটা পরিষ্কার হওয়ায় তাপমাত্রা কমছে বলে জানানো হয়েছে। তাপমাত্রা আরও কমতে পারে। আজ আকাশ অংশত মেঘলা থাকবে। দিনের সর্বোচ্চ তাপমাত্রা থাকতে পারে ১৯ ডিগ্রির কাছাকাছি।

10 river sites identified for Hydrokinetic power projects:

বিদ্যুৎ মন্ত্রী রতন লাল নাথ জানিয়েছেন, রাজ্যে আরও বিদ্যুৎ উৎপাদন এবং সপ্তাহের প্রতিদিন চব্বিশ ঘণ্টা বিদ্যুৎ সরবরাহ নিশ্চিত করার লক্ষ্যে বিদ্যুৎ বিভাগ রাজ্যের প্রবাহমান নদী থেকে ১৮৫ মেগাওয়াট বিদ্যুৎ উৎপাদনের জন্য হাইড্রোকাইনেটিক টারবাইন প্রযুক্তি ব্যবহার করার সিদ্ধান্ত নিয়েছে, এবং এর

রাজ্যে জন্ম ১০টি স্থান চিহ্নিত করা হয়েছে। বিদ্যুৎ মন্ত্রী গতকাল আগরতলার বনমালীপুরে, সুপার ECBC ভবনের ভূমি পূজা অনুষ্ঠানে এই তথ্য জানান।

শ্রী নাথ বলেন, রাজ্যবাসীকে নতুন প্রযুক্তি গ্রহণ করতে হবে, না হলে সব ক্ষেত্রে পিছিয়ে পড়তে হবে। তিনি আরো জানান, এই সুপার ইসিবিসি ভবনের জন্ম ১২ কোটি ৩৩ লক্ষ টাকা ব্যয় হবে এবং সারা দেশে এই ধরনের পাঁচটি ভবন নির্মাণ করা হবে। অনুষ্ঠানে রাজ্য সভার সাংসদ রাজীব ভট্টাচার্য প্রমুখ উপস্থিত ছিলেন।

PM :

প্রধানমন্ত্রী নরেন্দ্র মোদী বলেছেন, ভগবান বুদ্ধের দেখানো জ্ঞান এবং পথ সমগ্র মানবতার জন্য এবং তাঁর পবিত্র ধ্বংসাবশেষ দেশের ঐতিহ্যের অংশ। তিনি গতকাল নতুনদিল্লির রাই পিথোরা সাংস্কৃতিক কমপ্লেক্সে, ভগবান বুদ্ধের পবিত্র পিপ্রহওয়া ধ্বংসাবশেষের আন্তর্জাতিক প্রদর্শনীর উদ্বোধন করে, একথা বলেন।

প্রধানমন্ত্রী আরো বলেন, ভারত, বিশ্বজুড়ে বৌদ্ধ ঐতিহ্যবাহী স্থানগুলির উন্নয়নে অবদান রাখার জন্য নিরন্তর প্রচেষ্টা চালিয়ে যাচ্ছে।

এই প্রদর্শনীতে প্রথমবারের মতো, পিপ্রহওয়া থেকে এক শতাব্দীরও বেশি সময় পর ফিরিয়ে আনা নিদর্শনগুলিকে একত্রিত করা হয়েছে, যা নতুনদিল্লির জাতীয় জাদুঘর এবং কলকাতার ভারতীয় জাদুঘরের সংগ্রহে সংরক্ষিত রয়েছে।

National School Yoga :

মুখ্যমন্ত্রী অধ্যাপক ডা: মানিক সাহা গতকাল আগরতলায় এন.এস.আর.সি.সি-তে চারদিন ব্যাপী অনুর্ধ্ব ১৭ বছরের বালক বিভাগের ৬৯তম জাতীয় স্কুল যোগা প্রতিযোগিতার উদ্বোধন করেন। তিনি বলেন, যোগাসনের মতো মহান ভারতীয় ঐতিহ্যকে কেন্দ্র করে দেশের বিভিন্ন প্রান্ত থেকে আসা তরুণ প্রতিভাদের একত্রিত হওয়া শুধু একটি প্রতিযোগিতা নয়, বরং এটি ভারতের সাংস্কৃতিক শক্তি, শারীরিক সক্ষমতা ও মানসিক দৃঢ়তার পরিচয় বহন করে। অনুষ্ঠানে উপস্থিত ছিলেন যুব বিষয়ক ও ক্রীড়া মন্ত্রী টিংকু রায় প্রমুখ। এই প্রতিযোগিতায়, দেশের ৩৫টি রাজ্য থেকে প্রায় ৩৫০ জন প্রতিযোগী অংশগ্রহণ করছেন।

BASTRA MANTRAK :

কেন্দ্রীয় বস্ত্র মন্ত্রক, অসম সরকারের সহযোগিতায় ভারতকে আন্তর্জাতিক স্তরে অন্যতম প্রধান বস্ত্র উৎপাদন কেন্দ্র হিসেবে প্রতিষ্ঠিত করার পরিকল্পনা নিয়ে আলোচনার লক্ষ্যে একটি জাতীয় স্তরের সম্মেলনের আয়োজন করবে। দু'দিনব্যাপী এই সম্মেলন চলতি মাসের ৮ তারিখে অসমের গুয়াহাটিতে শুরু হবে।

এই সম্মেলনে পরিকাঠামো উন্নয়ন ও বিনিয়োগ, রপ্তানি সম্প্রসারণ, কাঁচামাল ও তন্তু ব্যবহার, আধুনিক বাজার-উপযোগী হস্তশিল্প ও তাঁতশিল্পের ওপর গুরুত্ব আরোপ সহ নতুন ক্ষেত্রগুলির ওপর আলোকপাত ক'রে বিভিন্ন অধিবেশন থাকবে বলে মন্ত্রক জানিয়েছে।

KHOAI-ARREST :

খোয়াই থানার পুলিশ গতকাল খোয়াই-এর পুরান বাজার এলাকায় অভিযান চালিয়ে দুইজন বাংলাদেশি নাগরিক সহ তিন পাচারকারীকে গ্রেপ্তার করেছে। গ্রেফতার করে। তাদের হেফাজত থেকে একটি মোটর বাইক উদ্ধার করা হয়। পাচারকারীদের বিরুদ্ধে মামলা গ্রহণ করা হয়েছে বলে খোয়াই থানার O/C জানিয়েছেন। তিনি জানান, ধৃত বাংলাদেশী নাগরিক মহম্মদ ফিরোজ কবির বাড়ি বাংলাদেশের রাজশাহী জেলায়।

All Tripura Blind committee :

আজ ব্রেইল পদ্ধতির জনক লুই ব্রেইলের ২১৮তম জন্মদিন। লুই ব্রেইলের জন্মদিন উপলক্ষে রাজ্যেও নানা অনুষ্ঠানের আয়োজন করা হয়েছে। ALL TRIPURA BLIND ASSOCIATION এর পক্ষ থেকে এই উপলক্ষে আজ বিকেলে আগরতলার সুকান্ত একাডেমিতে আলোচনা চক্র ও সাংস্কৃতিক অনুষ্ঠানের আয়োজন এবং ২০২৫ সালের মাধ্যমিক ও উচ্চ মাধ্যমিক পরীক্ষায় ভালো ফল করা ছাত্রছাত্রীদের সম্বর্ধনা জানানো হবে।

এছাড়া, অল ত্রিপুরা ব্লাইন্ড কমিটির উদ্যোগে আজ আগরতলা প্রেস ক্লাবে দ্বিতীয় উত্তর পূর্বাঞ্চলীয় প্যারা অলিম্পিক গেইমস ২০২৫-এ পদক জয়ী খেলোয়াড়দের সংবর্ধনা প্রদান করা হবে।

DM-Sepahijala :

ত্রিপুরা পুর আইন, ১৯৯৪ এবং ত্রিপুরা পুর নির্বাচনী এলাকা নির্ধারণ বিধিমালা, ১৯৯৪-এর বিধান অনুসারে সিপাহীজলা জেলার বিশালগড় পুর পরিষদ, মেলাঘর পুর পরিষদ, সোনামুড়া নগর পঞ্চায়েত এবং বিশ্রামগঞ্জ নগর পঞ্চায়েতের পুর এলাকাগুলির নির্বাচনী এলাকা বা ওয়ার্ড নির্ধারণের কাজ সম্পন্ন হয়েছে এবং তা সম্প্রতি আনুষ্ঠানিকভাবে প্রকাশিত হয়েছে। নতুন ওয়ার্ড এলাকা অবিলম্বে কার্যকর হবে। এই তালিকাটি সিপাহীজলার জেলা ম্যাজিস্ট্রেট ও কালেক্টরের সরকারি ওয়েবসাইটে এবং বিশালগড় ও সোনামুড়া মহকুমা শাসকের কার্যালয়ে পাওয়া যাবে।

Swaccha Bharat Abhijan :

স্বচ্ছ ভারত অভিযান কর্মসূচীর অঙ্গ হিসাবে গতকাল আগরতলার পি এম শ্রী কামিনী কুমার দ্বাদশ শ্রেণী বিদ্যালয়ের এন.এস.এস ইউনিটের ছাত্রছাত্রীরা আগরতলার মঠ চৌমুহনী বাজারে সাফাই অভিযানে সামিল হয়। ৭ দিনের বিশেষ শিবিরের ষষ্ঠ দিনে গতকাল এই কর্মসূচীর সূচনা করেন এন এস এস'র প্রোগ্রাম অফিসার গোতম মজুমদার। সাফাই অভিযানে ছাত্রছাত্রীদের সাথে অংশগ্রহণ করেন বাজারের ব্যবসায়ীরাও।

PM, Volleyball :

প্রধানমন্ত্রী নরেন্দ্র মোদী আজ ভিডিও কনফারেন্সের মাধ্যমে বারাণসীতে ৭২তম জাতীয় ভলিবল টুর্নামেন্টের উদ্বোধন করবেন। এই মাসের ১১ তারিখ পর্যন্ত অনুষ্ঠেয় এই প্রতিযোগিতায় বিভিন্ন রাজ্য এবং প্রতিষ্ঠান থেকে এক হাজার জনেরও বেশি খেলোয়াড় অংশ নেবেন।
